

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA
TUZLA**

Broj: 13/1-30-037202-2/25

Datum: 02.02.2026. godine

Na osnovu člana 60. stav (4) Zakona o zdravstvenoj zaštiti Tuzlanskog kantona („Službene novine Tuzlanskog kantona broj: 12/25”), člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine F BiH”, br. 12/03, 34/03 i 65/13) i Odluke o uslovima, kriterijima i postupku imenovanja u Upravni odbor JZU Dom zdravlja Kalesija („Sl. glasnik općine Kalesija” br. 4/12 i 1/16,) Ministarstvo zdravstva Tuzlanskog kantona, objavljuje

**JAVNI OGLAS
ZA IZBOR I IMENOVANJE ČLANA UPRAVNOG ODBORA
JZU DOM ZDRAVLJA KALESIJA**

I – Naziv pozicije

Objavljuje se javni oglas za izbor i imenovanje kandidata na poziciju - jedan član Upravnog odbora JZU Dom zdravlja Kalesija-predstavnik Ministarstva zdravstva Tuzlanskog kantona

II – Opis pozicije

Upravni odbor upravlja zdravstvenom ustanovom, donosi statut zdravstvene ustanove, imenuje i razrješava direktora odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnje programe rada, donosi finansijski plan i usvaja godišnji obračun, donosi opće akte o unutrašnjem uređenju i sistematizaciji poslova i drugih općih akata u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog statutom zdravstvene ustanove, odgovara osnivaču za rezultate rada zdravstvene ustanove, odlučuje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove, obavlja i druge poslove u skladu sa zakonom i statutom zdravstvene ustanove.

III – Mandat i naknada za rad

Član Upravnog odbora imenuje se na period od 4 (četiri) godine uz mogućnost ponovnog imenovanja u skladu sa Zakonom.

Konačno imenovano lice imaju pravo na naknadu u skladu sa Odlukom Općinskog vijeća Kalesija i ista će se isplaćivati iz sredstava Ustanove.

IV Kandidati trebaju ispunjavati sljedeće opće uslove:

- a) da su državljani Bosne i Hercegovine;
- b) da su stariji od 18 godina;
- c) da nisu otpušteni iz državne službe kao rezultat disciplinske miere na bilo kojem nivou

- vlasti u BiH, u periodu od 3 godine prije objavljivanja javnog oglasa;
- d) da nisu osuđivani za krivično djelo, te da se protiv njih ne vodi krivični postupak;
 - e) da se na njih ne odnosi član IX 1. Ustava Bosne i Hercegovine;
 - f) da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13);
 - g) da nemaju smetnji u smislu Zakona o sukobu interesa u organima vlasti u Federaciji BiH ("Službene novine Federacije BiH" br. 70/08).

V Pored općih uslova kandidati treba da ispunjava sljedeće posebne uslove:

- a) da imaju visoku stručnu spremu i ciklus visokog obrazovanja najmanje 180 ECTS kredita, ekonomskog, pravnog ili zdravstvenog usmjerenja;
- b) da imaju najmanje 1 (jednu) godinu radnog iskustva na poslovima visoke stručne spreme;
- c) da imaju stručno znanje iz djelatnosti zdravstvene ustanove, te da su upućeni u sadržaj i način njenog rada;
- d) da nemaju privatni finansijski interes u JZU Dom zdravlja Kalesija;
- e) da nisu članovi upravnog ili nadzornog odbora u nekom od reguliranih organa općine Kalesija, a ukoliko jeste član drugog upravnog ili nadzornog odbora, kandidat će dostaviti ovjerenu izjavu da će po konačnom imenovanju odstupiti od pozicije u roku od 7 (sedam) dana od dana imenovanja.

VI Za sve kandidate koji u potpunosti ispunjavaju opće i posebne uslove, u postupku sačinjavanja konačne rang liste, uzet će se u obzir sljedeći kriteriji:

- a) iskustvo na rukovodećim poslovima ili poslovima organa upravljanja;
- b) iskustvo u najsloženijim poslovima i poslovima organizacione prirode;
- c) komunikacijske i organizacijske sposobnosti;
- d) da imaju sposobnost upravljanja finansijskim sredstvima i ljudskim resursima, kao i sklonost timskom radu;
- e) rezultati rada tokom poslovne karijere.

VII Potrebni dokumenti

Uz potpisanu prijavu na javni oglas kandidati su dužni priložiti:

- kraću biografiju, adresu i kontakt telefon, potpisanu;
- uvjerenje o državljanstvu;
- izvod iz matične knjige rođenih;
- ovjerena kopija diplome;
- uvjerenje o radnom iskustvu na poslovima visoke stručne spreme;
- izjava kandidata potpisana i ovjerena od strane nadležnog organa o ispunjavanju uslova iz tačke IV - Opći uslovi pod c), d), e), f), g);
- izjava kandidata potpisana i ovjerena od strane nadležnog organa o ispunjavanju uslova iz tačke V - Posebni uslovi pod c) d) i e).

Dokumenti koji se prilažu uz prijavu na javni oglas moraju biti originali ili ovjerene fotokopije ne starije od 6 mjeseci.

VII – Ostale napomene

Javni oglas za podnošenje prijava ostaje otvoren 15 dana od dana objavljivanja u »Službenim novinama Federacije BiH«, dnevnom listu »Večernji list BiH«, računajući od dana posljednjeg objavljivanja.

Prijave sa potrebnom dokumentacijom dostavljaju se lično ili poštom preporučeno u zatvorenim kovertama na adresu: Ministarstvo zdravstva Tuzlanskog kantona, Ul. Rudarska br. 57., 75000 Tuzla, uz naznaku »Prijava na javni oglas za izbor i imenovanje člana Upravnog odbora u JZU Dom zdravlja Kalesija – ne otvarati«.

Sve prijave koje stignu u propisanom roku pregledat će Komisija za izbor koju imenuje ministar Ministarstva zdravstva Tuzlanskog kantona i koja će sastaviti rang listu sa užim izborom najboljih kandidata koji ispunjavaju uslove i kriterije za imenovanje.

Neblagovremene i nepotpune prijave neće se razmatrati.


Kandidati koji uđu u uži izbor bit će pozvani na intervju.

Prije intervjua kandidat će biti pozvan da daju podatke o ranijim neposrednim rukovodiocima od kojih mogu, eventualno, zatražiti dodatne preporuke i informacije o kandidatima.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjua dužni su priložiti akt kojim je kandidatu data pismena saglasnost od strane rukovodioca organa državne službe za obavljanje dodatne djelatnosti.

Nakon intervjua Komisija za izbor će putem pismene preporuke ministru Ministarstva zdravstva Tuzlanskog kantona predložiti rang listu sa najboljim kandidatima.



MINISTAR
[Signature]
 Prim.dr. Dušanka Bećirović